

გამარტივებული ელექტრონული ტენდერის საშუალებით
სადემონტაჟო სამუშაოების (CPV45111300) შესყიდვის
სატენდერო დოკუმენტაცია

**სსიპ ვაჟა ფშაველას სახელობის თელავის სახელმწიფო დრამატული
თეატრი**

ქ. თბილისი

2015 წელი

ინსტრუქცია გამარტივებულ ელექტრონულ ტენდერში მონაწილეობისათვის იხილეთ შემდეგ ვებ-გვერდზე www.procurement.gov.ge

1. პრეტენდენტების მიერ შესყიდვების ერთიან ელექტრონულ სისტემაში ასატვირთი დოკუმენტაცია:

1.1 ინფორმაცია პრეტენდენტის შესახებ დანართი №1-ს მიხედვით.

1.2 პრეტენდენტის შესაბამისად უფლებამოსილი პირის მიერ ხელმოწერილი ხარჯთაღრიცხვების შევსებული ფორმები დანართი №2-ის შესაბამისად (იხ. სისტემაში ატვირთული) რომელნიც შემდგომ იქნება ხელშეკრულების განუყოფელი ნაწილი.

1.3 პრეტენდენტმა სატენდერო წინადადებასთან ერთად სისტემაში უნდა ატვირთოს ტექნიკური დავალების 2.5 პუნქტის შესაბამისი ინფორმაცია.

2. ტექნიკური დავალება

შესყიდვის სავარაუდო ღირებულება – 120 900 ლარი, რაც მოიცავს კანონმდებლობით განსაზღვრულ ყველა გადასახადს და დამხმარე სამუშაოების და მასალის ღირებულებას.

2.1 შესყიდვის ობიექტია:

სსიპ ვაჟა ფშაველას სახელობის თელავის სახელმწიფო დრამატული თეატრის წინ მშენებლობით დაუმთავრებელი მინაშენის ლითონის კონსტრუქციების სადემნტაჟო სამუშაოები, სატენდერო დოკუმენტაციაზე თანდართული დანართი №2-ით გათვალისწინებული სისტემაში ატვირთული ხარჯთაღრიცხვის შესაბამისად.

2.2. ანგარიშსწორების პირობები:

2.2.1 სამუშაოების ღირებულება უნდა შეიცავდეს საქართველოს კანონმდებლობით გათვალისწინებულ ყველა გადასახადს და წარმოდგენილი იყოს ეროვნულ ვალუტაში;

2.2.2. ანგარიშსწორების ფორმა - უნაღდო;

2.2.3. ანგარიშსწორება განხორციელდება წარმოდგენილი ანგარიშ-ფაქტურის, ფორმა №2-ის და ფორმა №3-ის, ინსპექტირების ჯგუფის დასკვნის, მიღება-ჩაბარების აქტის საფუძველზე, ყველა ამ დოკუმენტის წარმოდგენიდან 15 (თხუთმეტი) სამუშაო დღის ვადაში.

2.3. გამარჯვებული მიმწოდებლის მიერ სისტემაში დაფიქსირებულ საბოლოო ფასსა და სავარაუდო ღირებულებას შორის 20%-ით ან მეტი სხვაობის შემთხვევაში, მიმწოდებელმა უნდა დაასაბუთოს ფასწარმოქმნის ადეკვატურობა და ამ ფასად მიწოდების შესაძლებლობა. სატენდერო კომისიის მოთხოვნის შემთხვევაში, მიმწოდებელი ვალდებულია უზრუნველყოს ხარჯთაღრიცხვის ექსპერტიზის ჩატარება ლეგან სამხარაულის სახელობის ექსპერტიზის ეროვნული ბიუროში ან სხვა აკრედიტებულ პირთან, რაზეც უნდა წარმოადგინოს შესაბამისი დასკვნა. ზემოხსენებული დასაბუთების ან/და ექსპერტიზის დასკვნის წარმოდგენლობა გამოიწვევს შესაბამისი პრეტენდენტის დისკვალიფიკაციას;

2.4. იმ შემთხვევაში, თუ პრეტენდენტი არ მიუთითებს გაუთვალისწინებელ ხარჯს იმ პროცენტული ოდენობით, რა პროცენტული ოდენობაც მითითებულია შემსყიდველის მიერ დეფექტურ აქტში, მოხდება პრეტენდენტის დისკვალიფიკაცია.

2.5. პრეტენდენტმა უნდა წარმოადგინოს:

- 2.5.1. ინფორმაცია ბოლო ორი წლის მანძილზე განხორციელებული ანალოგიური სამუშაოების შესახებ, რომელთა საერთო ღირებულება შეადგენს არანაკლებ 500 000 (ხუთასი ათასი) ლარს (ცნობა საბანკო დანვსებულებებიდან).
- 2.5.2. ასევე მინიმუმ ერთი სარეკომენდაციო წერილი, განხორციელებული სამუშაოების შესახებ.
- 2.5.3. ინფორმაცია პრეტენდენტის ბალანსზე არსებული მექანიზირებული ტექნიკის შესახებ, იმ შემთხვევაში თუ პრეტენდენტს ბალანსზე არ გააჩნია ტექნიკა უნდა წარმოადგინოს დოკუმენტაცია ქირავნობის შესახებ.
- 2.6. მიწოდების პირობები და ვადები:
- 2.6.1. სადემონტაჟო სამუშაოები უნდა დასრულდეს 2015 წლის 25 დეკემბრამდე.
- 2.6.2. სადემონტაჟო სამუშაოები უნდა განხორციელდეს მისამართზე: ქ. თელავი ერეკლე მეორის მოედანი №7.
- 2.7. შემოაღნიშნული სადემონტაჟო სამუშაოების ჩატარებისას მიმწოდებელი ვალდებულია დაიცვას კანონმდებლობით, მათ შორის, სამშენებლო რეგლამენტებით გათვალისწინებული მოთხოვნები და ნორმები.
- 2.7.1. მიმწოდებელს მიერ სამუშაოების დარღვევით წარმოება გამოიწვევს კანონმდებლობით დადგენილ პასუხისმგებლობას.
- 2.8. პრეტენდენტმა ხარჯთაღრიცხვის შედგენისას უნდა გაითვალისწინოს 2014 წლის 14 იანვრის საქართველოს მთავრობის „სამშენებლო სამუშაოების სახელმწიფო შესყიდვისას ზედნაღები ხარჯებისა და გეგმური მოგების განსაზღვრის წესის“ დამტკიცების შესახებ N55 დადგენილებით გათვალისწინებული მოთხოვნები.
- 2.9. სამუშაოების დასრულების შემდეგ, საკუთარი სახსრებით უნდა უზრუნველყოს სამუშაო არეალის დასუფთავება და დალაგება.
- 2.10. სამუშაოების დასრულებულად ჩაითვლება ინსპექტირების ჯგუფის მიერ სამუშაოების შესრულების დადასტურებით.
- 2.11. პრეტენდენტს არ აქვს უფლება წარმოადგინოს ალტერნატიული სატენდერო წინადადება.
- 2.12. დამატებითი ინფორმაცია შეგიძლიათ მიიღოთ შემდეგი პირებისაგან: მიხეილ დაუნდარიძე ტელ: 599 11 11 89.

დანართი №1

დასახელება	
საიდენტიფიკაციო კოდი	
იურიდიული მისამართი	
ფაქტიური მისამართი	
ხელმძღვანელ(ებ)ის სახელი და გვარი	
მომსახურე ბანკის დასახელება	
ბანკის კოდი	
ანგარიშსწორების ანგარიში	
ტელეფონის ნომერი	

ხელმოწერა და ბეჭედი -----

სახელმწიფო შესყიდვის შესახებ ხელშეკრულების პროექტი

ხელშეკრულება სახელმწიფო შესყიდვის შესახებ

თბილისი

----- 2015 წ.

სსიპ ვაჟა ფშაველას სახელობის თელავის სახელმწიფო დრამატული თეატრი, წარმოდგენილი -----, ----- სახით, ერთი მხრივ (შემდგომში „შემსყიდველი“), და მეორეს მხრივ -----, წარმოდგენილი მისი ----- სახით (შემდგომში „მიმწოდებელი“), სამივე ერთად წოდებული, როგორც „მხარეები“, საქართველოს მოქმედი კანონმდებლობისა და მიმწოდებლის სატენდერო წინადადების საფუძველზე (SPA-----), გამარტივებული ელექტრონული ტენდერის ჩატარების შედეგად დებენ წინამდებარე სახელმწიფო შესყიდვის შესახებ ხელშეკრულებას (შემდგომში-ხელშეკრულება) შემდეგზე:

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1 „ხელშეკრულება სახელმწიფო შესყიდვის შესახებ“ (შემდგომ – „ხელშეკრულება“) – „სახელმწიფო შესყიდვების შესახებ“ საქართველოს კანონისა და კანონქვემდებარე ნორმატიული აქტის საფუძველზე შემსყიდველ ორგანიზაციასა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით, რომლებზეც ხელშეკრულებაში არის მინიშნებები.
- 1.2 „შემსყიდველი ორგანიზაცია“ (შემდგომ „შემსყიდველი“) ნიშნავს ორგანიზაციას (დანესებულებას), რომელიც ახორციელებს შესყიდვას;
- 1.3 „მიმწოდებელი“ ნიშნავს იურიდიულ ან ფიზიკურ პირს, რომელმაც შემსყიდველთან გააფორმა ხელშეკრულება სახელმწიფო შესყიდვის შესახებ;
- 1.4 „ხელშეკრულების ღირებულება“ ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;
- 1.5 „დღე“, „კვირა“, „თვე“ ნიშნავს კალენდარულ დღეს, კვირას, თვეს.
- 1.6 „სამუშაო“ – ხელშეკრულების 1-ლი მუხლით განსაზღვრული ხელშეკრულების საგანი.
- 1.7 „ტექნიკური დოკუმენტაცია“ – შემსყიდველის მიერ სატენდერო დოკუმენტაციით დადგენილი პირობები და მიმწოდებლის მიერ წარმოდგენილი (სისტემაში ატვირთული სატენდერო წინადადება და დოკუმენტაცია) დოკუმენტაცია, რომელიც წარმოადგენს ხელშეკრულების განუყოფელ ნაწილს.

1. ხელშეკრულების საგანი

ხელშეკრულების საგანს წარმოადგენს (CPV45100000), სსიპ ვაჟა ფშაველას სახელობის თელავის სახელმწიფო დრამატული თეატრის წინ მშენებლობით დაუმთავრებელი მინაშენის ლითონის კონსტრუქციების სადემნტაუო სამშაოები, თანდართული დანართი №2-ით გათვალისწინებული ხარჯთაღრიცხვის შესაბამისად.

2. ხელშეკრულების ღირებულება

ხელშეკრულებით ჯამური ღირებულება შეადგენს ----- (-----) ლარს, საქართველოს კანონმდებლობით დადგენილი შესაბამისი გადასახადების გათვალისწინებით.

3. ხელშეკრულების შესრულების კონტროლი

3.1 შემსყიდველი უფლებამოსილია სამუშაოების შესრულების პარალელურად მოახდინოს სამუშაოების შემოწმება მიმწოდებლის მიერ წარმოდგენილი ხარჯთაღრიცხვისა და ტექნიკური დოკუმენტაციის შესაბამისად, რომლის მიზანია მათი შესაბამისობის დადგენა ხელშეკრულებითა და სატენდერო დოკუმენტაციით გათვალისწინებულ პირობებთან.

3.2 გამოვლენილი დეფექტის ან ნაკლის აღმოფხვრასთან და ხელახალ შემოწმებასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

3.3 სამუშაოების შესრულების პერიოდში ტექნიკურ ზედამხედველობას განახორციელებს შემსყიდველის მიერ შესაბამისად უფლებამოსილი პირი ან/და პირები. ტექნიკური ზედამხედველი უფლება მოსილია სადემონტაჟო სამუშაოების შესრულების ნებისმიერ მომენტში შეამოწმოს სამუშაოს ხელშეკრულების პირობებთან შესაბამისობა. იმ შემთხვევაში, თუ ხარისხი არ აღმოჩნდება სამშენებლო ნორმებისა და სტანდარტების შესაბამისი, შემსყიდველი უფლებამოსილია შეაჩეროს სადემონტაჟო სამუშაოების წარმოება და აკრძალოს შეუსაბამო მასალების გამოყენება.

3.4. სამუშაოების დასრულებულად ჩაითვლება ტექნიკური ზედამხედველის მიერ სამუშაოების შესრულების დადასტურებით რაც უნდა მოხდეს გეგმა-გრაფიკით გათვალისწინებულ ვადაში.

4. სამუშაოს შესრულების ვადები

მიმწოდებელი ვალდებულია ხელშეკრულებით გათვალისწინებული სამუშაოები დაიწყოს ხელშეკრულების დადების დღიდან და დაასრულოს არაუგვიანეს 2015 წლის ----- თანდართული გეგმა გრაფიკის შესაბამისად.

5. შესყიდვის ობიექტის მიღება-ჩაბარების წესი

5.1 შესრულებული სამუშაოს, მათ შორის ეტაპობრივის მიღება-ჩაბარება წარმოებს მიღება-ჩაბარების აქტის სახით. მიღება-ჩაბარების აქტი ფორმდება წერილობითი ფორმით, მხარეთა უფლებამოსილი წარმომადგენლის ხელის მოწერით, ტექნიკური ზედამხედველობის განმხორციელებელი პირის/პირების დასკვნის საფუძველზე.

5.2 სამუშაოების მიღება-ჩაბარების აქტის გაფორმების მიზნით მიმწოდებელი წარუდგენს შემსყიდველს ფორმა №2 და ფორმა №3

5.3 სამუშაოს ინსპექტირებას და მიღება-ჩაბარებას აწარმოებს სსიპ ვაჟა ფშაველას სახელობის თელავის სახელმწიფო დრამატული თეატრის -----

5.4 თუ მიღება-ჩაბარების აქტი უნდა გაფორმდეს განსაზღვრულ დღეს და ეს დღე ემთხვევა არასამუშაო დღეს, მაშინ მიღება-ჩაბარების აქტის გაფორმება შესაძლებელია განხორციელდეს მომდევნო სამუშაო დღეს, რაც არ ჩაითვლება მიწოდების ვადის გადაცილებად.

6. გარანტია

6.1 მიმწოდებელი იძლევა გარანტიას, რომ სამუშაოები განხორციელდება სამშენებლო ნორმებისა და სტანდარტების და მის მიერ წარმოდგენილი ტექნიკური დოკუმენტაციით განსაზღვრული პირობების შესაბამისად

7. ანგარიშსწორება

7.1. ანგარიშსწორების ფორმა - უნაღდო ანგარიშსწორება ეროვნულ ვალუტაში;

7.2. ანგარიშსწორება განხორციელდება წარმოდგენილი ანგარიშ-ფაქტურის, ფორმა №2-ის და ფორმა №3-ის, ინსპექტირების ჯგუფის დასკვნის, ყველა ამ დოკუმენტის წარმოდგენიდან 15 (თხუთმეტი) სამუშაო დღის ვადაში.

8. მხარეთა უფლება-მოვალეობანი

8.1 შემსყიდველი და მიმწოდებელი უნდა მოქმედებდნენ საქართველოს კანონმდებლობის სრული დაცვით.

8.2 შემსყიდველი ვალდებულია:

- ა) დროულად და კეთილსინდისიერად შეასრულოს ხელშეკრულებით ნაკისრი ვალდებულებები;
- ბ) ხელშეკრულებით გათვალისწინებული სამუშაოების შესრულებისას საქმის კურსში ჩააყენოს მიმწოდებელი ყველა განსაკუთრებული გარემოებების წარმოშობის შესახებ;
- გ) ხელშეკრულებით გათვალისწინებული პირობების შესაბამისად აუნაზღაუროს მიმწოდებელს შესრულებული სამუშაოების ღირებულება;
- დ) წერილობითი ფორმით, გონივრულ ვადაში აცნობოს მიმწოდებელს რაიმე დეფექტის ან ნაკლის აღმოჩენის შემთხვევაში

8.3 შემსყიდველს უფლება აქვს:

- ა) განახორციელოს კონტროლი და ზედამხედველობა მიმწოდებლის მიერ ხელშეკრულების პირობების დაცვაზე;
- ბ) განახორციელოს შესრულებული სამუშაოების ტექნიკური ზედამხედველობა და შეამოწმოს მათი შესაბამისობა საქართველოში მოქმედი სამშენებლო ნორმებსა და წესებში გათვალისწინებული ხარისხის კრიტერიუმის, ტექნიკური სპეციფიკაციების, მოქმედი სტანდარტების, სატენდერო დოკუმენტაციისა და მიმწოდებლის მიერ წარმოდგენილი სატენდერო წინადადების გათვალისწინებით;
- გ) ხელი მოაწეროს სამუშაოების მიღება-ჩაბარების აქტებს;
- დ) მიმწოდებლისაგან მოითხოვოს სამუშაოების წარმოებასთან დაკავშირებული ინფორმაცია ან/და დოკუმენტაცია.

8.4 მიმწოდებელი ვალდებულია:

- ა) დროულად და კეთილსინდისიერად შეასრულოს ხელშეკრულებით ნაკისრი ვალდებულებები;
- ბ) სამშენებლო ნორმებისა და წესების სრული დაცვით უზრუნველყოს სამუშაოების მაღალი ხარისხით შესრულება და მათი დამთავრება ხელშეკრულების მე-4 მუხლით განსაზღვრულ ვადაში;
- გ) სამუშაოების შესრულების პროცესში შემსყიდველის შეტყობინების მიღებისთანავე აღმოფხვრას უხარისხოდ შესრულებული სამუშაო.
- დ) ნებისმიერ დროს, წინასწარი შეტყობინების გარეშე დაუშვას შემსყიდველი და მისი წარმომადგენლები სამუშაო მოედანზე;
- ე) ზემოაღნიშნული სამუშაოების ჩატარებისას მიმწოდებელი ვალდებულია დაიცვას კანონმდებლობით, მათ შორის, სამშენებლო რეგლამენტებით გათვალისწინებული მოთხოვნები და ნორმები.
- ვ) მიმწოდებელს მიერ სამუშაოების დარღვევით წარმოება გამოიწვევს კანონმდებლობით დადგენილ პასუხისმგებლობას.
- ზ) სამუშაოების დასრულების შემდეგ საკუთარი სახსრებით უნდა უზრუნველყოს სამუშაო არეალის დასუფთავება და დალაგება.

9. ხელშეკრულებაში ცვლილებების შეტანა

9.1 ცვლილება ხელშეკრულების პირობებში არ დაიშვება, ორივე მხარის მიერ ხელმოწერილი წერილობითი შესწორების გარდა.

9.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია, შესაბამისი მიზეზების მითითებით.

9.3 ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველის პირობების გაუარესება დაუშვებელია, გარდა საქართველოს სამოქალაქო კოდექსის 398-ე მუხლით და სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების „ გამარტივებული ელექტრონული ტენდერის და ელექტრონული ტენდერის ჩატარების წესის“ მე-20 მუხლით გათვალისწინებული შემთხვევებისა.

9.4 ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

10. ფორს-მაჟორი

10.1 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას და მიმწოდებლისათვის ხელშეკრულების შესრულების გარანტიის დაუბრუნებლობას.

10.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით ან სტიქიური მოვლენებით, ეპიდემიით, კარანტინით და ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

10.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

11. მხარეთა პასუხისმგებლობა ხელშეკრულების პირობების დარღვევისათვის

11.1 თუ „მიმწოდებელი“ არ ასრულებს თავის ვალდებულებებს ხელშეკრულებაში მითითებულ ვადებში, „შემსყიდველი“ წერილობითი ფორმით აფრთხილებს „მიმწოდებელს“ დაიცვას ხელშეკრულების პირობები.

11.2 სახელმწიფო შესყიდვის შესახებ ხელშეკრულების მოქმედების პერიოდში მიმწოდებლის მხრიდან ხელშეკრულების მე-4 გათვალისწინებული ვადის დარღვევის შემთხვევაში მას დაეკისრება პირგასამტეხლო ყოველ ვადაგადაცილებულ დღეზე ხელშეკრულების ღირებულების 0.2% ოდენობით. თუ საჯარიმო თანხა მიაღწევს ხელშეკრულების საერთო ღირებულების 2%, შემსყიდველი უფლებამოსილია ცალმხრივად შეწყვიტოს ხელშეკრულება. საჯარიმო სანქციების გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

12. ხელშეკრულების შეწყვეტა

შემსყიდველი უფლებამოსილია შეწყვიტოს წინამდებარე ხელშეკრულება, თუ მიმწოდებელი ვერ უზრუნველყოფს წინამდებარე ხელშეკრულებით გათვალისწინებული ვალდებულების შესრულებას, ან მოქმედი კანონმდებლობით დადგენილ სხვა შემთხვევებში.

13. დავების გადაწყვეტის წესი

13.1 ხელშეკრულების დამდები მხარეები თანხმდებიან მასზედ, რომ ყველა ღონეს იხმარენ, რათა მოლაპარაკებების მეშვეობით შეთანხმებით მოავგარონ ნებისმიერი უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული საკითხების ირგვლივ.

13.2 თუ შემსყიდველი და მიმწოდებელი ვერ შესძლებენ სადაო საკითხების შეთანხმებას, მოლაპარაკებების დაწყებიდან 10 დღის განმავლობაში, ნებისმიერ მხარეს დავის გადაწყვეტის მიზნით შეუძლია დადგენილი წესით მიმართოს საქართველოს სასამართლოს.

14. ხელშეკრულების მოქმედების ვადა

14.1 წინამდებარე ხელშეკრულება ძალაშია ხელმოწერის დღიდან და მოქმედებს 2015 წლის -----
----- ჩათვლით. ასევე მიუხედავად ხელშეკრულების მოქმედების ვადისა, წინამდებარე
ხელშეკრულებაში მითითებული საგარანტიო პირობები მოქმედებენ შესაბამისი საგარანტიო ვადით.
14.2 ხელშეკრულება შედგენილია ქართულ ენაზე სამ ეგზემპლარად და სამივეს აქვს თანაბარი
იურიდიული ძალა.

15. მხარეთა რეკვიზიტები

შემსყიდველი:

მიმწოდებელი:

სსიპ ვაჟა ფშაველას სახელობის თელავის სახელმწიფო დრამატული თეატრის თელავი ერეკლე მეორის მოედანი №7 სახელმწიფო ხაზინა კოდი: 220101222 საიდენტ. კოდი: 231169641 ----- -----	--- `-----~ ----- ქ. #----- საიდენტ. კოდი ----- სს `----- ბანკი~ კოდი: ----- ა.ა. ----- ----- -----
---	--